




PASUKAN bomba dan penyelamat membawa turun Nazri yang ditemui tidak sedarkan diri di Kilometer 8, Gunung Kinabalu, Ranau kelmarin.



ANGGOTA bomba dan penyelamat meredah trek menuruni Gunung Kinabalu untuk tiba di kaki gunung tersebut kelmarin.



GUNUNG Kinabalu di Ranau.

Pensyarah ditemui pengsan 600 meter dari puncak Gunung Kinabalu

Prof. Madya UPM mati kesejukan

Oleh IZYAN LIYANA MOHD. DARIF

RANAU — Prof. Madya Dr. Nazri Omar dari Universiti Putra Malaysia (UPM) yang terpisah daripada kumpulan eksplorasi ketika menuruni Gunung Kinabalu di sini ditemui meninggal dunia diperdayai akibat kesejukan.

Nazri, 49, dari Bandar Baru Bangi, Selangor disedari hilang oleh ahli kumpulannya pada pukul 8 pagi Ahad lalu semasa kumpulan tersebut berada Timpohan Gate iaitu di kaki gunung.

Satu sumber memberitahu, kumpulan 22 peserta itu memulakan pendakian ke puncak Gunung Kinabalu bermula pada pukul 4.30 pagi, Ahad lalu dengan turut

diiringi beberapa orang malim gunung.

Bagaimanapun, kata sumber itu, semasa dalam perjalanan ke puncak, malim gunung mengesan cuaca buruk dan mengarahkan kesemua 22 pendaki berpatah turun.

Ketika kumpulan itu tiba di Timpohan Gate pada pukul 8 pagi, ahli kumpulan pendaki berkenaan menyedari kehilangan Nazri yang merupakan pakar mata di Hospital Serdang.

Ekoran itu, kumpulan tersebut berusaha mengesan Nazri sebelum menerima maklumat daripada kumpulan pendaki lain yang mene-



DR. NAZRI

mui mangsa yang tidak sedarkan diri kira-kira 600 dari puncak gunung pada pukul 12 tengah hari.

Anggota bomba yang dibantu malim gunung membawa Nazri turun ke Timpohan Gate dan selepas diperiksa pegawai perubatan mangsa dikatakan sudah meninggal dunia beberapa jam sebelum sampai ke kaki gunung.

Difahamkan, arwah dan ahli kumpulan pendaki itu tidak sampai ke puncak gunung pada hari tersebut kerana cuaca buruk yang mencecah suhu bawah kosong darjah Celsius.

Sementara itu, Ketua Polis Daerah Ranau, Deputi Superintendant Mohd. Farhan Lee Abdullah berkata, mangsa dan kumpulan pendakinya menyedari kehilangan Nazri semasa berada di kaki gunung.

Menurut beliau, Nazri ditemui oleh kumpulan pendaki lain di trek mendaki gunung di Kilometer 8.1.

"Mangsa dibawa turun ke kaki gunung pada pukul 5.40 petang tetapi disahkan sudah meninggal dunia oleh pasukan perubatan," kata beliau kepada *Kosmo!* semalam.

Tambah beliau, polis mengesahkan kematian mangsa sebagai mati mengejut tetapi maklumat punca kematian belum diketahui kerana masih menunggu laporan hospital.

INFO

Prof. Madya Dr. Nazri Omar

Pendidikan

- Ijazah Sarjana muda Sains Perubatan, Universiti Kebangsaan Malaysia (1991)
- Ijazah Doktor Perubatan, Universiti Kebangsaan Malaysia (1994)
- Ijazah Sarjana Surgeri (Oftalmologi), Universiti Kebangsaan Malaysia (1998)
- Ijazah Doktor Falsafah (Oftalmologi), Universiti Nottingham, United Kingdom (2010)
- Felo di Pusat Mata dan Yayasan Mata di Riyadh, Arab Saudi (2009)

Pengalaman kerja

- Pakar Oftalmologi Pelatih, Jabatan Oftalmologi, Hospital UKM (1998)
- Pensyarah Pelatih, Fakulti Perubatan dan Sains Kesihatan, UPM (1999)
- Pensyarah Perubatan, Fakulti Perubatan dan Sains Kesihatan, UPM (2002)
- Pakar Oftalmologi di Pusat Pakar Perubatan Sri Kota, Klang (2002)

Arwah berhasrat sertai semua aktiviti sukan digemari

Oleh NOOR SYAHIDATOOL AQMA MOHD. NOOR

BANGI — Allahyarham Prof. Madya Nazri Omar, 49, yang meninggal dunia selepas tidak sedarkan diri di Gunung Kinabalu, Sabah berhajat untuk menyertai semua aktiviti sukan yang digemari sebelum mencapai usia tua.

Anak kedua Allahyarham iaitu Azreen Nazri, 20, berkata, antara aktiviti sukan yang mahu disertai bapanya ialah mendaki gunung dan berlari maraton.

"Abah seorang yang aktif bersukan dan beliau pernah memberitahu mahu mencuba semua aktiviti sukan yang diingini sebelum mencapai usia tua.

"Dia sebelum ini juga pernah menjelaskan kaki ke puncak Gunung Kinabalu dan Ahad lalu merupakan pendakian kali kedua arwah ke gunung tersebut.

"Arwah bersama lima rakannya mendaki kali kedua ke Gunung Kinabalu kerana tidak puas menikmati keindahan di puncak gunung itu sebelum ini," kata Azreen ketika ditemui di rumahnya di Bangi Perdana di sini semalam.

Cerita Azreen lagi, difahamkan bapanya meneruskan pendakian ke puncak gunung tersebut bersama kumpulan pendaki lain

selepas lima rakannya enggan meneruskan ekspedisi ke puncak pada hari tersebut kerana faktor cuaca yang sejuk.

Oleh itu, katanya, dia dan keluarga mengesyaki bapanya meninggal dunia kerana tidak tahan dengan cuaca terlalu sejuk.

"Kali terakhir saya bertemu abah pada hari Ahad minggu lepas apabila dia menghantar saya ke rumah rakan untuk menduduki peperiksaan akhir di Universiti Teknologi Mara (UiTM) di Puncak Alam.

"Saya menerima berita kehilangan

abah pada pukul 7.30 malam semalam (kelmarin) ketika berada di kediaman kolej," jelasnya.

Tambahnya, sepatutnya bapanya balik semula ke rumah hari ini selepas menyertai pendakian tersebut.

Bagaimanapun, kata Azreen, bapanya kini sudah tiada dan yang pulang hanya jenazahnya.

Arwah dikebumikan di Tanah Perkuburan Bandar Baru Bangi di Sungai Tangkas pada pukul 11.30 malam tadi.



GAMBAR kenangan Allahyarham Nazri (dua dari kiri) bersama isteri, Nila KandiJuita Idris dan anak-anaknya.

Allahyarham meninggalkan seorang bala dan enam orang anak yang berusia lapan hingga 21 tahun.

Sementara itu, sepupunya, Nor Zamri Yahya, 40, berkata, kali terakhir dia bertemu dengan Allahyarham adalah pada Disember lalu iaitu ketika berjumpa arwah yang merupakan seorang pakar bedah mata di Hospital Serdang.

Info Solat				
	9 JANUARI 2018			
	SUBUH	SYURUK	ZURUR	ASAR
K. LUMPUR	6.02	7.21	1.23	4.45
SHAH ALAM	6.02	7.21	1.23	4.45
SEREMBAN	5.58	7.20	1.21	4.44
MELAKA	5.57	7.19	1.21	4.44
JOHOR BAHRU	5.50	7.12	1.14	4.38
IPOH	6.06	7.25	1.26	4.48
P. PINANG	6.10	7.29	1.28	4.50
ALOR SETAR	6.11	7.30	1.28	4.49
K. TERENGGANU	5.58	7.20	1.17	4.38
KOTA BHARU	6.07	7.25	1.21	4.42
KUANTAN	5.55	7.15	1.18	4.40
KANGAR	6.11	7.33	1.28	4.49
TAWAU	4.58	6.20	12.19	3.41
KOTA KINABALU	5.07	6.29	12.25	3.46
KUCHING	5.25	6.47	12.50	4.13
MIRI	5.13	6.34	12.34	3.56
				7.40

*Kawasan-kawasan sewaktu dengannya